


# بچیاں دی بائبل پیشکش

## جنت خداداد سوہنا گھر



Edward Hughes : لکھت

Lazarus; Alastair P. : تصویرى خاكے

Sarah S. : مطابقت

Jamil Thomas : جمیل ٹامس ، سسیلیا غنى

Produced by: Bible for Children

[www.M1914.org](http://www.M1914.org)

BFC

PO Box 3

Winnipeg, MB R3C 2G1

Canada

©2021 Bible for Children, Inc.

تسى ایس کتابچے نوں پر نٹ یا کاپی کر سکرے او، پر ایس نوں وپیچ نئیں سکرے۔




جدوں یسوع زمین تے رہندا سی۔ اوس نیں اپنے شاگرداں نوں جنت ولوں دسیا۔  
اوہ اوہنوں "میرے پیو دا گھر" کہندا سی۔ اوہ آکھدا اے کہ او تھے بوہت سارے مکان  
نیں۔ اک مکان اک وڈا سوہنا گھر ہوندا اے۔


زمین تے موجود کسے وی گھر دے

مقابلے جنت بوہت وڈی

تے سوہنی تھاں اے۔



یسوع نہیں آکھیا "میں جاندا ہاں تاں جو تہاڈے لئی تھیں تیار کراں۔ میں مرٹیر آوں گا۔  
تے تہانوں ماپنے نال لے کے جانواں گا۔" جی اٹھن توں مگروں یسوع جنت وچ گیا۔  
اوس دے چیلیاں نہیں ویکھیا، کہ یسوع اُتے چک لیا گیا اے۔ تے بدلاں نہیں اوس دا  
استقبال کیتا۔




تد توں سارے مسیحی لوکاں نوں یسوع دا ایہہ وعدہ یاد اے۔ کہ اوہ  
فیر ایہناں نوں لین لئی مرٹ واپس آئے گا۔ یسوع نیں آکھیا، اوہ  
واپس آئے گا جد تھوڑے لوکی اوس دی توقع کرن گے۔

خداوند دی حضوری پج



مکاشفہ، بائبل دی آخری کتاب جیہڑی سانوں ایہہ دسوی اے کہ جنت کڈی چنگی اے  
۔ سب نالوں ودھیا گل ایہہ اے۔ کہ ایہہ خدا دا گھراے۔ خدا ہر تھاں تے اے۔ پر  
اوس دا تخت جنت وچ اے۔



فرشتے تے دوجے آسمان وچ وسن والے جنت  
وچ خدا دی وڈھیائی کردے نیں۔ تے سارے  
خدا دے لوک جیہڑے مر گئے نیں، اوہ جنت  
وچ چلے جان دے ہن۔ اوہ خدا دی حمد دے  
خاص گیت گاوندے نیں۔




ایبھتے اک گیت دے کجھ الفاظ ہن، جیہڑے اوہ  
گاوندے نیں۔ توں ای ایس لائق اے کیویں  
جے توں ذبح ہو کے اپنے خون نال ہر اک قبیلہ،  
تے اہل زبان، تے امت، تے قوم وچوں خدا دے  
واسطے لوکاں نوں خرید لیا۔ تے اوہناں نوں ساڈے  
خدا دے لئی بادشاہ  
تے کاہن بنا دتا۔






بائبل دے آخری ورتے جنت نوں "نواں یروشلیم" بیان کردے ہن۔ ایہہ بوہت وڈا اے۔ تے ایہدے باہر دی طرف وڈی کنڈا اے۔ ایہہ یثیب دے پتھر نال بنی اے، جیہڑا شیشے دی طراں صاف اے۔ زیورات تے قیمتی پتھر کنڈی نیں دا احاطہ کردے نیں۔ جیہڑا سوہنے رنگاں دے نال چمک رہیا اے۔




شہر داہر بوہاک  
وڈے موتی دے  
نال بنیا ہو یا اے۔




اوہ بڑے چمکدار دروازے کدی وی بند نیس ہوندے۔ آواندر چلیے، تے اک نگاہ آ لے  
دوالے ویکھیے۔۔۔ ودھیا۔ جنت اندروں کنی سوہنی اے۔ شہر خالص سونے نال بنیا ہو یا  
اے۔ شفاف شیشے وانگوں تے سڑکاں وی سونے دے نال بنیاں نیں۔



سوہنا ستھر ازندگی دے پانی دا دریا، خدا دے تخت نال بہند اے۔ دریا دے دونوں  
پاسے زندگی دا بوٹا اے۔ جیہڑا پہلاں عدن دے باغ وچ سی۔ ایہہ بوٹا بوہت امی خاص  
اے۔ ایہہ بارہ وکھرے وکھرے پھل پیدا کردا اے۔ ہر مہینے وکھری قسم۔ زندگی دا  
بوٹا قوماں دی شفا دے لئی اے۔



جنت دی لودے لئی سورج، تے چن دی وی لوڑ نیس۔ خداد اپنا جلال ایہنوں شاندار  
لودے نال معمور کردا اے۔ تے او تھے کوئی رات وی نیس۔



جنت وچ جانور وی وکھرے نیں۔ اوہ سارے پالتوتے دوستانہ نیں۔ بھیدتے  
بکریاں رل کے کھاہ کھاندیاں نیں۔ حتیٰ کہ تگڑے شیر وی ٹگے وانگر گھاہ  
کھاندے نیں۔ خدا کہندالے کہ اوہ میرے سارے پاک پہاڑاں تے زخمی نہ  
ہوون گے۔ نہ برباد ہوون گے۔



جیویں کہ اسیں اپنے آلے دوالے ویکھدے ہاں، تے سانوں پتہ چلدا اے کہ جنت  
وہج کجھ شیواں نیس ہن۔۔ کوئی غصے والے الفاظ نیس سنیں گئے۔ کوئی وی لڑ نیس سی  
رہیا ہووے گا۔



جیا خود غرض نیس رہیا ہو وئے گا۔ بوہیاں تے کوئی جندرے نیس ہن۔ کیویں جے  
جنت وچ کوئی وی چور نیس۔ اوتھے کوئی وی جھوٹا، قاتل، جادو گر، یا فیر کوئی ظالم بندہ

نیس۔ جنت وچ کسے وی  
قسم دا کوئی گناہ نیس۔



جنت وچ خدا دے نال کوئی رونا نیس۔ کئی  
واری خدا دے لوک ایس زندگی دے بڑے  
دکھاں دی وجہ توں فکر کر دے ہن۔ جنت  
وچ خدا سارے اتھر و پونجھ دیویں گا۔







جنت وچ ہر گز کوئی موت نیس اے۔ خدا دے لوک خدا دے نال ہمیش تیکر رہن گے  
۔ اوتھے کوئی رونا، کوئی غم، تے درد نیس اے۔ کوئی بیماری، کوئی وچھوڑا، تے کوئی جنازہ  
نیس۔ جنت وچ ہر کوئی خدا دے نال ابد تیکر خوش اے۔




ایہناں ساریاں توں ودھ کے، جنت سارے منڈیاں  
تے کڑیاں، تے سارے وڈھیاں دے لئی وی اے۔  
جیہڑے یسوع مسیح تے ایمان لیاندے نیں، تے  
اوہنوں اپنا نجات دہندہ قبول کیتا اے۔ تے اوس دی  
تابعداری کیتی اے، کہ اوہ اوہناں دا خدا اے۔



جنت وچ اک کتاب اے، جس داناں "بریے دی زندگی دی کتاب اے۔" ایہہ  
لوکاں دے ناواں نال بھری ہوئی اے۔ کی تسی جانندے او، ایہناں وچ کناں لوکاں  
دے ناں لکھے ہوئے نیں۔؟ اوہ سارے لوک جیہڑے یسوع مسیح تے ایمان رکھدے  
نیں۔ کی تہاڈا ناں وی او تھے ہے۔؟



بائبل دے جنت دے ولوں آخری الفاظ اک ودھیاد عوت اے۔ تے روح، تے دلہن  
کہندی اے، آ" تے سنن والاوی آکھدا اے۔ آ تے جیہڑا پیا سا ہووے اوہ آئے تے  
جیہڑا کوئی چاہے آب حیات مفت پیے۔



جنت خداداسوہناگھر

خدا دے کلام بائبل چوں کہانی


پائی جان دی اے

یوحنا 2، 14، 2 کرنتھیوں 5، مکاشفہ 4، 21، 22

"تیریاں گلاں دی تشریح نور بخش دی اے۔"

زبور 119:130





60



60



بائبل دی ایہہ کہانی سانوں ساڈے حیران کن رب دے بارے  
چچ دسدی ہے جیسی نے سانوں بنایا اتے چاہندا اے کہ اسیں اوس نوں جانئیں۔

خدا جان دا ہے کہ اسیں برے کم کردے ہاں، جیسی نوں اوہ پاپ کہندا ہے۔ پاپ دی سزا موت اے،  
پر خدا سانوں اجہیا پیار کر دا اے کہ اس نے اپنا اکلوتا پتر بھیج دتا، یسوع نوں، کہ اوہ ساڈے پاپاں دے  
کارن سولی تے موئے۔ تد یسوع جیوت ہوا اتے واپس آسمان تے چلا گیا۔ جے تسی یسوع تے ایمان  
رکھدے اور اتے اوس نوں اپنے پاپاں دی معافی منگدے او تے اوہ فیہر معاف کرے گا۔ اوہ تہاڈے  
کول آوے گا تے تہاڈے وچ رہے گا، اتے تسی ہمیشہ اس دے نال رہو گے۔

جے تسی ایمان رکھدے کہ ایہہ سچ اے تے فیہر ایہہ کہو:

پیارے یسوع، میں ایمان رکھدا ہاں کہ توں میرا خدا ایں، اتے توں میرے پاپاں دی خاطر مرن  
لئی انسان بنیا، اتے ہن توں فیہر زندہ ایں۔ کرپا کر کے میرے جیون چچ آاتے میرے پاپاں نوں  
معاف کر۔ تاں جو میرے کول وی نواں جیون ہوئے، اتے اک دن تیرے نال ہمیشہ ہمیشہ  
رہاں۔ میری مدد کر کہ تیری فرمانبرداری کراں اتے تیرا بچہ بن کے رہاں۔ آمین۔

ہر روز بائبل نوں پڑھو اتے خدا دے نال گل بات کرو۔ یوحنا 3:16

